

ახმეტის მუნიციპალიტეტის საკრებულოს

ბიუროს სხდომა

ოქმი №20

ქ. ახმეტა

27 დეკემბერი, 2018 წელი

თავმჯდომარეობდა:

თ.ყეინიშვილი-ახმეტის მუნიციპალიტეტის

საკრებულოს თავმჯდომარე

ბიუროს სხდომას ესწრებოდა:

რ. ბალაკაშვილი. ბ.ჭიჭიკლიშვილი

ლ.ითიურიძე, ა.მექევრიშვილი, ა.ბუღრიძე

შ.ტერტერაშვილი, დ.იმერლიშვილი

ნ.ალავიძე, თ.ბოლაველი

სხდომა გაიხსნა 11^თ საათზე.

სხდომის თავმჯდომარე თ.ყეინიშვილმა განსნა სხდომა და ბიუროს წევრებს გააცნო დღის წესრიგი.

დღის წესრიგი:

1. ახმეტის მუნიციპალიტეტის მოსახლეობის სოციალური დახმარების 2019 წლის პროგრამისა და მისი ბიუჯეტის დამტკიცების შესახებ;

/მომხსენებელი - ნათელა ექვთიმიშვილი/

2. ახმეტის მუნიციპალიტეტში შეზღუდული შესაძლებლობების მქონე პირთა საკითხებზე მომუშავე საბჭოს დებულების დამტკიცების შესახებ;

/მომხსენებელი-თეონა ნანობაშვილი/

3. ახმეტის მუნიციპალიტეტის ადგილობრივი თვითმმართველობის მოხელეთა უწყვეტი სწავლების 2019 წლის სასწავლო გეგმის დამტკიცების შესახებ;

/მომხსენებელი-თეონა ნანობაშვილი/

4. ახმეტის მუნიციპალიტეტის საკუთრებაში არსებული ააიპ „თუშეთის დაცული ლანდშაფტის“ ბალანსზე რიცხული ძირითადი საშუალების აქტიური ნაწილის სასწრაფო დახმარების მანქანის (MITSUBISHI PAJERO) სსიპ საგანგებო სიტუაციების კორდინაციისა და გადაუდებელი დახმარების ცენტრისათვის პირდაპირი განკარგვის წესით, უსასყიდლო უზუფრუქტის ფორმით გადაცემაზე თანხმობის მიცემის შესახებ;

/მომხსენებელი-თინათინ კუდიანაშვილი/

ბიუროს სხდომის თავმჯდომარემ კენჭი უყარა დღის წესრიგის მიღებას.

9 - მომხრე;

1 - არ მიღო კენჭისყრაში

მონაწილეობა;

მოისმინეს: ახმეტის მუნიციპალიტეტის მოსახლეობის სოციალური დახმარების 2019 წლის პროგრამისა და მისი ბიუჯეტის დამტკიცების შესახებ;

მომხსენებელმა გააცნო პროექტი ბიუროს წევრებს: წლევანდელი პროგრამისთვის სიახლეს წარმოადგენს ელექტროენერგიის გადასახადის თანადაფინანსება 100 ლარის ოდენობით შემდგე სამიზნე ჯგუფებზე: მარტოხელა მშობლის სტატუსის მქონე პირები, სოციალურად დაუცველი ოჯახები, რომლებიც არ იღებენ სოციალურ შემწეობას და მათი ოჯახის სარეიტინგო ქულა არის 65 000-დან 80 000-მდე (ქულის მინიჭების თარიღიდან გასული უნდა იყოს არაუმტეს 1 წელი); მრავალშვილიანი ოჯახები (რომელთაც ჰყავთ 4 და მეტი არასრულწლოვანი შვილი და არ იღებენ „დემოგრაფიული მდგომარეობის გაუმჯობესების ხელშეწყობის მიზნობრივი სახელმწიფო პროგრამის“ მე-5 მუხლის 1-ლი პუნქტით გათვალისწინებულ ბენეფიციართათვის იმავე მუხლის 2¹ პუნქტით გათვალისწინებულ ყოველთვიურ ფულად დახმარებას). გაიზარდა ა(ა)იპ ახმეტის მუნიციპალიტეტის „სოციალური სახლი“-ს უფასო სასადილოს დაფინანსება 136 000 ლარიდან 158.020 ლარამდე, გაიზარდა ბენეფიციართა რიცხვი 300-მდე; (განმარტებითი ბარათი თან ერთვის ოქმს).

შ.ტერტერაშვილმა დადგენილების პროექტთან დაკავშირებით გამოთქვა შენიშვნა: მე-5 მუხლის ა) პუნქტში მითითებული იყოს შესაბამისი კანონი. ელექტროენერგიის გადახდის თანადაფინანსების საკითხის შესახებ აღნიშნა, რომ უმჯობესია თანხა გადავცეთ ხელზე, რადგან ადამიანებს ჩვენ არ უნდა განუსაზღვროთ რაში დახარჯონ იგი, არამედ მივცეთ საშუალება, საჭიროებიდან გამომდინარე, საკუთარი სურვილისამებრ მოიხმარონ.

სხდომის თავმჯდომარემ კენჭი უყარა საკითხის საკრებულოს სხდომაზე გატანას.

9 - მომხრე;

1 - წინააღმდეგი;

მოისმინეს: ახმეტის მუნიციპალიტეტში შეზღუდული შესაძლებლობების მქონე პირთა საკითხებზე მომუშავე საბჭოს დებულების დამტკიცების შესახებ;

მომხსენებელმა გააცნო პროექტი ბიუროს დამსწრე წევრებს: ზემოაღნიშნული დადგენილების მიღების საფუძველი გახდა ახმეტის მუნიციპალიტეტში შშმ პირთა საკითხებზე მომუშავე საბჭოს შექმნა და შშმ პირთა ღირსეული თანაცხოვრებისა და თანაბარი შესაძლებლობების უზრუნველყოფა.

საბჭო შედგება 15 წევრისგან. საბჭოს თავმჯდომარეა ახმეტის მუნიციპალიტეტის მერის თანამდებობის პირი. საბჭოს წევრთა შემადგენლობას განსაზღვრავს ახმეტის მუნიციპალიტეტის მერი.

პროექტში დაშვებული იყო უზუსტობა, კერძოდ, საბჭოს შემადგენლობის ჩამონათვალში გამორჩენილი იყო სიტყვები „საკრებულოს წევრები“, რომლებიც აგრეთვე შედიან საბჭოს შემადგენლობაში.

ბიურომ მიიღო გადაწყვეტილება: პროექტი ჩასწორებული სახით შემოვიდეს სხდომაზე განსახილველად.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, წარმოდგენილი წინადადების გათვალისწინებით, რასაც ერთხმად დაუჭირეს მხარი.

მოისმინეს: ახმეტის მუნიციპალიტეტის ადგილობრივი თვითმმართველობის მოხელეთა უწყვეტი სწავლების 2019 წლის სასწავლო გეგმის დამტკიცების შესახებ;

მომხსენებელმა გააცნო პროექტი დამსწრე წევრებს.

შ.ტერტერაშვილი: მიმაჩნია, რომ თვითმმართველობამ დამოუკიდებლად უნდა გადაწყვეტოს, რომელ სასწავლებელში გაიაროს ტრენინგები და არა სხვისი დაკვეთის საფუძველზე.

ა.ბუღრიძემ აღნიშნა, რომ ფინანსურ მართვასა და ბუღალტერიაში სასწავლო კურსის გავლის საჭიროებას სხვა სასწავლებელში ვერ ხედავს, რადგან გაფორმებულია ხელშეკრულება თვითმმართველობის ფინანსურ ასოციაციასთან, რომელიც ახდენს საჯარო მოხელეების დატრენინგებას აღნიშნული მიმართულებით.

შ.ტერტერაშვილმა დატოვა სხდომა.

ბიურომ იმსჯელა პროექტის შესახებ და მიიღო გადაწყვეტილება: საკითხი ხელმეორედ იქნას შესწავლილი, განიხილოს შესაბამისმა კომისიამ, მოგვაწოდოს სრული ინფორმაცია და შემდეგ გავიდეს სხდომაზე დასამტკიცებლად.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ერთხმად დაუჭირეს მხარი.

შ.ტერტერაშვილი დაბრუნდა სხდომის დარბაზში.

მოისმინეს: ახმეტის მუნიციპალიტეტის საკუთრებაში არსებული ააპ „თუშეთის დაცული ლანდშაფტის“ ბალანსზე რიცხული ძირითადი საშუალების აქტიური ნაწილის სასწრაფო დახმარების მანქანის (MITSUBISHI PAJERO) სიპ საგანგებო სიტუაციების კორდინაციისა და გადაუდებელი დახმარების ცენტრისათვის პირდაპირი განკარგვის წესით, უსასყიდლო უზუფრუქტის ფორმით გადაცემაზე თანხმობის მიცემის შესახებ;

მომხსენებელმა განმარტა საკითხი: აღნიშნული მანქანა „თუშეთის დაცულ ლანდშაფტს“ გადასცა ჩეხეთის საელჩომ. ავტომანქანის გადაცემა შეთანხმებულია საელჩოსთან. მის შეკეთებას და საწვავით მომარაგებას უზრუნველყოფს აღნიშნული ცენტრი.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ერთხმად დაუჭირეს მხარი.

ბიუროს სხდომა დაიხურა 12²⁰ საათზე.

საკრებულოს თავმჯდომარე:



თ. ყეინიშვილი